



UNIVERSITÄTS-
BIBLIOTHEK
PADERBORN

Universitätsbibliothek Paderborn

Annvs Sanctvs Ac Fortvnatvs

Coloniæ Agrippinæ, MDCXLVIII

S. Avgvstinvs Ecclesiæ Doctor. 24. Augusti.

[urn:nbn:de:hbz:466:1-53246](#)

S. AVGUSTINVS Ecclesiæ Doctor.

24. Angasti.

1. Augustinus ingenio magnus, puer omnes facile
æquales luperavit, quos etiam in vitijs, & secta Mani-
chæorum sequutus, sed horum publicam toti mundo
confessionem atque pœnitentiam fecit. DOC. Nec te
pudeat de peccatis pœnitentiam agere.

2. Rhetoricam Romæ ac Mediolani docuit, ubi S.
Ambrosij concionibus, Matrique ibidem præsentis
lachrymis, atque precibus annorum 33. conuersus est
baptizatus. DOC. Nunquam sera est conuersio ad DE-
VM, modo vera.

3. Pontifex Hippoensis in patria factus, Patrem
se Catholicis omnibus, hostem Hæreticis acerrimum
semper exhibuit. Mores improborum liberrimè cas-
psit, Mensam hospitalem, sed frugalem habuit, cui su-
perscripserat hos versas.

Quisquis amat dictis alienam rodere vitam,
Hanc mensam veritatem nouerit esse sibi.
DOC. Ama proximum, eius saluti stude, detractiones
fuge.

4. Tanta benignitate fuit in pauperes, ut cum non
esset alia facultas, sacra vasa frangeret, daretque ad eo-
rum inopiam subleuandam. Fœminarum consortium
omne, etiam fororis familiaritatem vitauit. DOC. Pau-
peres ama, Fœminas fuge.

5. Cum instare mortem sentiret, æger psalmos
David pœnitentiales parietibus inscribi fecit, legit, &
lachrymis multis rigauit; dicere solitus, neminem, eis
nullius sceleris sibi conscius esset, committere debere,
ut sine pœnitentia migraret è vita. Sicque suos ad
omnem pietatem exhortatus abiit in cœlum.

DOC. Pœnitentia & contritioni fre-
quentiter indulge.